



TOLOSAKO
UDALA



TOLOSAKO UDALA ETA TOLOSALDEKO KOMUNIKAZIO TALDEA, S.M.

2015-2017 URTE ARTEKO LANKIDETZA HITZARMENA

Tolosan, bi mila eta hamabosteko apirilaren batean

BILDURIK

Batetik, Ibai Iriarte San Vicente, NAN: 72.487.486-L, Tolosako Udaleko (aurrerantzean Udala) alkatea, haren izenean eta ordeztuz diharduena, horretarako behar bezala ahalmendua dagoelarik.

Eta bestetik, Xabier Saizar Ingidua, NAN: 15.997.042-J, Tolosaldeko Komunikazio Taldea, S.M.ren (aurrerantzean TKT) Administrazio Kontseiluaren legezko ordezkaria, haren izenean eta ordeztuz diharduena.

Bi alderdiok lankidetzaren hitzarmen hau egiteko eskuduntza eta gaitasuna aitortzen diote elkarri eta

AITORTZEN DUTE:

I.- Tolosako Udalak eta TKTk bat egiten dutela euskararen biziberritze eta berreskuratzeko proiektuak eta helburuekin, eta herritarren euskarazko informazio-bideak eraiki eta indartzearekin batera, horiek direla hitzarmen honen xedea eta funtsa.

II.- TKT dela Tolosaldeko Ataria egunkariaren eta astekariaren, Ataria Irratiaren eta www.ataria.info webgunearen jabea eta ekoizpen-arduraduna.

III.- TKTk eratutako euskarazko komunikabide-sare horren helburu nagusia, euskalgintzan diharduten beste eragile askorena bezala, euskararen normalizazio-bidean ekarpen esanguratsua egitea dela, eskualdean sortzen den informazioa kudeatu eta komunikatuz euskaratik eta euskaraz.

IV.- TKTk kudeatzen duen komunikabide sarearen eremua Tolosaldeko eskualdea osatzen duten herrietara hedatzen dela, bere onuradun direlarik bertako herri eta herritar guztiak, tartean, Tolosako udala. Halaber, TKT dela Tolosaldean euskarazko tokiko informazio multiplafoma produzitzeko gaituta dagoen entitate bakarra.

V.- Beharrezkoa dela TKTk aipatu eskualdean egiten duen lanari behar bezalako aitortza egitea ez ezik, bere jardunaren kalitatea ziurtatu eta sendotzeko Udala eta TKTren arteko lankidetzak jardunean sakontzea, aintzat harturik 2013an Udalari aurkeztutako proiektu komunikatibo bateratua (Galtzaundi hamabostekaria, Txolarre Irratia eta Tolosaldeko Hitza egunkaria bateratzetik sortua) eta bideragarritasun-plangintza.

VI. – Tolosako Udalak 2015eko otsailaren 24ko Osoko Bilkuran onartu zuela TKTri 2015-2017 aldirako emango dion diru-laguntza.

Hau guztia honela izanik, LANKIDETZA HITZARMEN hau sinatu dugu, ondorengo klausulen arabera.

KLAUSULAK

LEHENA.- LANKIDETZA HITZARMEN honen helburua da TKTk eta Udalak, elkarlanean, hedabideen alorrean euskararen erabileraren normalizazio-lanak bideratzea.

BIGARRENA.- LANKIDETZA HITZARMEN honetan, TKTk jarraian aipatzen diren ekoizpen-ildoak garatu eta hobetzen ahalegintzeko konpromisoa hartzen du:

- a) Tolosaldeko Ataria, prentsa: publikatuko dira zortzi orriko egunkaria astearte, asteazken eta ostegunean, eta astekaria ostiraletan, abuztuan izan ezik.
- b) Ataria Irratia 24 orduan: gutxienez 4 orduko programazio propioa emitituko da astelehenetik ostiralera, abuztuan izan ezik; arratsaldean tartean utziko dira eskualdeko Gizarte Eragileen ekarpenez betetzeko.
- c) Internet: ataria.info web gunea eguneratu eta elikatzea urte osoan, etenik gabe.

HIRUGARRENA.- TKTk, bigarren klausulan aipatu ildoak bideratzeko, herritarrei eskaintzen zaien zerbitzua ere baden heinean, konpromiso hauek hartzen ditu:

- a) Herritarren intereseko produktuak (edukiak, formatua, maiztasuna ...) lantzeko ahalegina egingo da. Hedabideen bilakaera azkarra kontuan, gertatzen diren aurrerabideak eten gabe aztertuko dira beharrezkoak izan daitezkeen hobekuntzak egiten saiatzeko.
- b) TKTk aztertuko du bere eskaintza komunikatibo osoa abuztuan ere eskaini ahal izatea

- c) Herri guztietan dugun banaketa sistema hobetzeko neurri bideragarriak hartuko dira.
- d) Ataria marka gizarteratu eta harpidedun-sarea zabaltzeko esfortzu etengabea egingo da.
- e) Tolosa Komunikazio taldearekin (28 kanala) 2014an hasitako lankidetz-egitasmoa aurrera eramatea

LAUGARRENA.- LANKIDETZA HITZARMEN honen bidez, Udalak proiektua indartu eta bere bideragarritasuna bermatzeko ekimen lerro hauek garatuko ditu:

- a) Osoko Bilkurak 2015eko otsailaren 24an onartutako diru-laguntzak emango dizkiola, alegia:
 - a. 2015ean 78.000 €, 2016an 84.000 € eta 2017an 90.000 €.
- b) Publizitatea. Erreferentzialtasuna irabazteko, publizitatea egitea behartuak dauden iragarki ofizialak eta eskelak Tolosaldeko Atarian jartzeko konpromisoa hartzen du Udalak tarifatik %50eko deskontuarekin. Gainerako publizitatea, urteko fakturazioaren arabera negoziatuko dute bi aldeek; hala balitz, urtean-urtean adostutako plangintza komertzialean islatuko litzateke.
- c) Sozializazioa eta banaketa. Herritarren eta bertako indar eragileen borondatea eta lankidetz erakartzeko Udalak babesa emango dio TKTri
- d) Informazioaren kudeaketa: Udalak berak edo herrian sortzen den informazio jarria sistematikoki trukatzeko neurriak hartuko dituzte Udalak eta TKTk.

BOSGARRENA.- Udalaren eta TKTren ordezkari osatutako lan-taldeak urtero gutxienez bilera bat egingo du. Batetik, hitzartutakoaren jarraipena egiteko, hau da, orain artean gertatu den moduan, hitzartutakoa objetibotasunez, pluraltasunez eta egokitasunez betetzen ari den aztertze. Eta, bestetik, dokumentu honetako hirugarren klausulan hartutako konpromisoen betetze-maila aztertuko da.

SEIGARRENA.- Udalak TKTri eginiko diru-ekarpenaren %70a libratuko du dokumentazio hau entregatu eta hilabeteko epean:

- Urteko egitasmoa eta aurrekontua
- Zerga zein gizarte segurantzako betebeharrak egunean izatearen ziurtagiria
- Aurreko ekitaldiko urteko kontuak dagokion organoak onartuta edo formulatuta

ZAZPIGARRENA.- Dirulaguntzaren gainerako %30a, jasoko du dokumentazio hau entregatu eta hilabeteko epean:

- Jardueren memoria, dirulaguntzarekin finantzaturako ekintzen azalpen xehatua eta kostua jasoko duena.
- Hitzarmenean ezarritako betebeharrak bere direla idazkariaren ziurtagiria.
- Memoria ekonomikoa, gutxienez dokumentu hauek bilduko dituen:
 - Diruz lagundutako jardueren diru-sarreraren eta gastuen balantzea (Galdu Irabazien kontu xehatua).
 - Dirulaguntzaren xedea betetzeko egindako gastuak egiaztatuko dituzten fakturak, jatorrizkoak edo, hala ez balitz, fotokopia konpultsatuak.
 - Diruz lagundutako jarduerak finantzatu duten diru sarreraren eta dirulaguntzen zerrenda xehatua, zenbatekoa eta jatorria adieraziz.
 - Zerga zein gizarte segurantzako betebeharrak egunean izatearen ziurtagiria.

Edozein gisatara ere, Udalaren diru-ekarpena jaso ahal izateko, aurreko ekitaldiko harremanak eguneratua egon beharko du.

Eta horrela jasota uzteko eta adostasuna agertzeko, hitzarmen honen hiru ale sinatu dituzte bildutakoek, hasieran aipatutako toki eta egunean.

Tolosa Udaleko alkatea

Ibai Iriarte San Vicente



Tolosa Komunikabideak SL

Xabier Saizar Ingidua

Behin-behineko udal idazkaria

Karmele Contreras Goikoetxea